



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-42/01.

Sarajevo, 12. marta 2001.

Z A P I S N I K

sa 2. sjednice Komisije za ljudska prava, imigraciju, izbjeglice i azil,
održane 12. marta 2001. godine

Druga sjednica Komisije počela je s radom u 11 sati. Prisustvovali su: Osman Brka, predsjedavajući Komisije, Muhamed Begović, Bahrija Osmanović, Nedžad Šašivarević, Violeta Kamberović, Omer Filipović i Miloš Jovanović, članovi Komisije. Odsustvovali su Dušan Stokić i Miro Grabovac – Titan.

Za sjednicu je jednoglasno usvojen sljedeći

D N E V N I R E D:

1. Izbor prvog zamjenika predsjedavajućeg i drugog zamjenika predsjedavajućeg Komisije,
2. Razmatranje, radi davanja mišljenja, Konvencije međunarodne organizacije rada broj 182. o najgorim oblicima iskorišćavanja dječijeg rada,
3. Razmatranje Sporazuma između Vijeća ministara BiH i Saveznog vijeća Švajcarske o ponovnom prihvatu državljana BiH i državljana Švajcarske,
4. Razmatranje Izvještaja o realizaciji Aneksa VII Opšteg okvirnog sporazuma za mir u Bosni i Hercegovini.
5. Mišljenje i prijedlozi za izradu Orjentacionog plana rada Predstavničkog doma za 2001. godinu,
6. Tekuća pitanja.

Ad – 1: Izbor prvog zamjenika predsjedavajućeg i drugog
zamjenika predsjedavajućeg Komisije

Komisija je jednoglasno izabrala g. Miloša Jovanovića za prvog zamjenika i g. Miru Grabovca – Titana za drugog zamjenika predsjedavajućeg Komisije.

Ad – 2: Razmatranje Konvencije međunarodne organizacije rada broj 182.
o najgorim oblicima iskorišćavanja dječijeg rada

Komisija je, bez primjedbi, prihvatila sadržaj Konvencije i zauzela stav da predloži Domu da da' saglasnost za ratifikaciju Konvencije.

Ad – 3: Razmatranje Sporazuma između Vijeća ministara BiH i Saveznog vijeća
Švajcarske o ponovnom prihvatu državljana BiH i državljana Švajcarske

Povodom Sporazuma u diskusiji su učestvovali Omer Filipović, Bahrija Osmanović, Nedžad Šašivarević, Osman Brka, Violeta Kamberović i Muhamed Begović.

U diskusiji su iznesene primjedbe na pojave da građani BiH, koji su se vratili iz zemalja Zapada u koje su bili izbjegli, od tih zemalja dobiju obezbjeđenje dok ne dobiju zaposlenje u visini oko 700 DM. Međutim, ovdje im se ne daju ta sredstva. Naglašeni su problemi nepostojanja mogućnosti da se obezbijede uslovi za normalan život povratnika, što podrazumijeva zaposlenje, stambeni prostor i druge uslove za živo. Takođe je naglašen problem nezaposlenosti i onih koji su čitav rat proveli u zemlji.

U vezi s ovom tačkom dnevnog reda zaključeno je sljedeće:

1. da se uputi upit Vladi Federacije BiH gdje odlaze sredstva koja dobiju povratnici od zemalja povratka radi obezbjeđenja do njihovog zaposlenja;
2. da se od nadležnog ministarstva zatraži obrazloženje - šta praktično znači ovaj sporazum i
3. da se na nivou države intenziviraju aktivnosti u cilju obezbjeđenja uslova za povratak izbjeglica i raseljenih osoba.

Komisija je zauzela stav da predloži Predstavničkom domu da da' saglasnost za ratifikaciju Sporazuma.

Ad – 4: Razmatranje Izvještaja o realizaciji Aneksa VII Opšteg
okvirnog sporazuma za mir u Bosni i Hercegovini

U dužoj diskusiji povodom ove tačke dnevnog reda učestvovali su svi prisutni članovi Komisije.

U diskusijama je, pored ostalog, naročito istaknuto:

- Najprioritetnije pitanje je pitanje povratka i vraćanja građanima njihove privatne imovine;
- Iza svakog građanina i njihovog prava treba da stoji država. Radi toga rad Komisije treba da se digne na jedan nivo da svaki građanin zna da Komisija za ljudskoprava, a time i Parlament BiH, stoje iza njegovog prava;
- Velike su opstrukcije na provođenju Aneksa VII u oba entiteta i Komisija nije zadovoljna postignutim rezultatima na ovom polju;
- Nema oblasti života gdje ljudska prava nisu zakinuta;
- Ni međunarodna zajednica nije u ovoj oblasti vodila dosljednu politiku;
- Komisija mora insistirati da se u potpunosti provede Odluka Ustavnog suda Bosne i Hercegovine o konstitutivnosti naroda' na cijelom prostoru države, te

- da bi od Visokog prestavnika trebalo zahtijevati da odredi rok do kada se moraju uskladiti ustavi entiteta;
- Na nivou države mora se dati do znanja da nas manje interesuje narod kao skupina, a više građanin kao pojedinac sa svojim pravima. Mora se insistirati da se građanska prava poštuju, ali niko nema pravo da zanemari ni nacionalno zarad građanskog;
 - Problem povratka je eeoma kompleksan i mora se priznati da postoje i različiti interesi – neki građani žele da ostanu tamo gdje su sada. U tom smislu treba ispoštovati i pravo na izbor mjesta življenja, naravno, bez prava da onaj ko želi ostati tamo gdje je sada koristi tuđu imovinu;
 - Odredbom federalnog zakona o otkupu stanova, da je povratnik obavezan provesti dvije godine u stanu pa ga tek onda otkupiti, narušeno je ljudsko pravo povratnika u Federaciju.

Poslije diskusije zaključeno je sljedeće:

1. Da Komisija organizuje jedan radno-konsultativni sastanak na koji bi se pozvali:
 - ministar za ljudska prava i izbjeglice BiH,
 - ministri za izbjeglice entiteta,
 - ministri za izbjeglice kantona,
 - predstavnici relevantnih međunarodnih organizacija u BiH.Tema sastanka bi bila implementacija Aneksa VII Opšteg okvirnog sporazuma za mir u Bosni i Hercegovini.
2. Od Ministarstva za ljudska prava i izbjeglice BiH zatražiti sve relevantne podatke vezane za izbjeglice i raseljena lica.
3. Komisija treba sačiniti program posjeta svim mjestima u Bosni i Hercegovini, radi sagledavanja stanja u vezi s izbjeglim i raseljenim licima (barem dva puta mjesečno biti na terenu).
4. Od Sarajevskog stambenog komiteta zatražiti da na svoje sastanke poziva predstavnike ove Komisije, a kada se takav komitet formira u Republici Srpskoj, isti zahtjev i njemu uputiti.
5. U roku od dva mjeseca Komisija treba organizovati okrugli sto na temu povratka i rješavanja osnovnih problema iz oblasti ljudskih prava građana u Bosni i Hercegovini. U svrhu pripreme okruglog stola zatražiti relevantne podatke od državnog Mnistarstva za ljudska prava i izbjeglice i od nadležnih organa entiteta.
6. Novo Ministarstvo za ljudska prava i izbjeglice traba dati osvrt na Izvještaj o realizaciji Aneksa VII i da ga eventualno dopuni, s obzirom da je on podnesen od starog Vijeća ministara i da je i datum sačinjavanja Izvještaja zastario.

Komisija je zauzela stav da predloži Predstavničkom domu da od nadležnog ministarstva u Vijeću ministara BiH zatraži da da' osvrt na izvještaj i da ga eventualno dopuni, s obzirom da je podnesen od starog Vijeća ministara i da je od njegovog podnošenja prošlo više od pet mjeseci.

Ad – 5: Davanje mišljenja i prijedloga za izradu Orientacionog plana rada
Predstavničkog doma za 2001. godinu

Komisija nije imala posebnih prijedlog u vezi s izradom Orientacionog plana rada Doma za 2001. godinu.

Ad – 6: Tekuća pitanja

U okviru ove tačke dnevnog reda predsjedavajući Komisije upoznao je članove Komisije da će u Sarajevu 20. marta tekuće godine holandski član Parlamentarne skupštine Vijeća Evrope Erik Jirgens održati odvojene sastanke sa ministrima za ljudska prava i za trezor institucija BiH, a u vezi s povratom starih deviznih uloga građana BiH u Ljubljanskoj banci.


U diskusiji je istaknut problem stare devizne štednje i u drugim bankama.

Zaključeno je da se u navedeni sastanak uključi i predstavnik ove komisije.

U okviru ove tačke dnevnog reda izneseni su i pojedinačni problemi vezani za certifikate građana. Međutim, konstatovano je da Komisija tu nema svojih nadležnosti.

SEKRETAR KOMISIJE

Rajka Stanišić



PREDSJEDAVAJUĆI KOMISIJE

Osman Brka

